

RÖPL.

88

1528

409
quanti

AD PROCERES

HUNGARIAE QVO SERENIS-

simum Principem & dñm, Dominum Ferdinandum, Hungarie & Bohemiae &c. Re-

gē, Infantem Hispaniarū &c. Archiducē

Austrie &c. Ducē Burgundiae

&c. Marchionem Moraviae

&c. Comitem Tirolis

&c. Dominum su-

um uerum &

natur

alem &c. plausibiliter excipiant, Val-

entini Ecclīe Lendani, Bartphē,

Reipublicae praefecti,

Exhortatio,



Magnalae

7528

SPECTABILI AC MAGNIFICO

domino, Dño Alexio Thurzoni de Beth/
lemfalwa, Thauernicorū Regaliū Ma/
gistro &c. Patrono suo obseruan/
dissimo, Valentinus Ecchius
Salutem.



Quos necessaria illa Magnificæ domina/
tionis tuæ hinc nuper abicio, acerbissimo
consecit mærore, Spectabilis ac Magni/
fice Domine Thurzo, eos hic omniū de/
sideratissimus eiusdē reditus, iam nunc reuiuiscere fa/
cit, quandoquidē huc rediens non minus refert læticiæ
quā abiens post te reliqueras tristitiarum, quæ & hæc, ob
horrendam immanissimū hostis Turcarum Imperato/
ris nobis illatam calamitatem, immentæ fuerint adeo,
ut neminem unquā illis mederi posse facile quis credide/
rit. Verū ille quem adduxisti absolutissimus Princeps,
ea præstat magnitudine, qua uel hunc solū omniū mor/
talium, huius afflictæ patriæ ruinam, reparare posse
indubie speremus omnes, quod ut feliciter peragat se/
dulo oramus deū, qui eū Optimū Principē nobis diu
superstitem uiuere cōcedat, illiq; in prona obedientia
pæpetuāq; fidelitate obsequentissimū subiugēt hūc po/
pulū, quē nos ob illius aduentū ad cōmunē læticiā hac
exhortamur camæna. Quā humiliter dicatam offeri/
mus Magnificæ dñationi tuæ, cui & nostra obsequia sp/
paratissima cōmēdam⁹. Ex Bartpha tumultuātissime,

AD PROCERES HVNGARIAE

quo Serenissimum Principem & dñm, Dominū
Ferdinandū, Hungariæ & Bohemiæ &c. Re/
gem, Infantem Hispaniarū &c. Archi/
ducē Austriæ &c. Ducem Burgūdiæ
&c. Marchionē Morauia &c. Co/
mitē Tirolis &c. Dñm suū uerum
& naturalē &c. plausibiliter
excipiāt Valētini Ecchij
Lendani, Bartpheñ.
Reipubl. præfecti
Exhortatio.



Ah p̄reat quicūq; deo mortalia curæ
Esse negat demēs cælestis gratia nullū
Agnoscit finē, sed larga phennibus undis
Cælit⁹ afflictis placidissima gaudia ter/
Impluit, & quis nonnunq̄ tarda moretur (ris
Vota hominum, tamen illa adeo latitare sepulta
Nescit, quin frontem supplex optata serenam
Proferat, En miseros post tot lamenta precelq;
Respexit tandem nos exorabile cælum
Plaudite Pannonij proceres mœstissima nuper
Pectora, depulsis iucundus nubibus æther
Prominet, ille diu uotis precibusq; petitus
Inclytus Austriacæ stirpis flos, inclytus hæres
Romani imperij, Rex FERDINANDVS honore
Ingenti excipiendus adest, lte obuia turba

1618
quasi p̄fecta

Ite triumphales super æthera fundite cantus,
 Atq; locum tanto uenienti Principi ouantes
 Pandite, congeminetur so, iubilantis in auras
 Clamor eat uocis, totum hæc lux festa per orbem
 Sit cunctis, niueo quam consignare lapillo
 Nos decet, & memores sub religione tueri
 Aeterna, quoniam hanc candenti uellere paræ
 Neure, & stabili fœlicem lege dicarunt.
 Hæc est illa dies nostris qua læua tyrannis
 Rapta humeris, abiit Stigias procul acta sub undas
 Plaudite Pannonij proceres maestissima nuper
 Pectora, depulsis iucundus nubibus æther
 Prominet, illa lues patriæ quæ tempore longo
 Protrusit miseros in aperta pericula Ciues,
 Concidit e solio quod nec uirtute nec alto
 Stemmata præsignis nuper conscendit iniquis
 Passibus, antiquos dum proculcarc laborat
 Hungarici Regni ritus, legesq; uetustas,
 Et sancita patrum, dominandi tanta libido
 A puero rapuit peruersa mente superbum
 At cecidit tumidus, ceu, nunc ignobile, quondam
 Præclarum uulgus famulatu Regis olympi,
 Dum super Empyreos axes caput extulit altum,
 Ad Phlegethontas coniectum proruit undas
 Zapola sic ueritas dum scandere belua sedes
 Ambijt, in tenebras mox deturbatur opacas.
 Non illum Solometh turpissima fœdera Turcæ
 Christigenum in mortem iam dudum turpiter icta

Nec coniurati nuper timida agmina fratres
 In male suscepta stabilem ditione tueri
 Eualuere, iacet regali pulsus ab aula
 Plaudite Pannonij proceres maestissima nuper
 Pectora, depulsis iucundus nubibus æther
 Prominet, En uidui Regni certissimus hæres
 Ferdinandus adest, Princeps regalibus auctus
 Dotibus ingenij, ueteres quibus æquat abunde,
 Et superat miro ipsarum splendore coæuos.
 Quandoquidem illius niuei sub pectoris ima
 Virtutum chorus Heroïdum radice sepultus
 Conditur, hñs totus graphice insignitus, Achillem
 Corde refert magnum, tetrica grauitate Cathonem,
 Consilio Fabium, prudenter rebus agendis
 Pompeium, bonitate Titum, rectum statuendo
 Traianum, omniparens tam miris fauliter illum
 Corporis atq; animi donis natura beauit
 Ut perfecta nihil conferre huc muneris ultra
 Gratia præualeat, reor ora serena uidetis
 Principis, æthereas animi testantia dotes,
 Cernitis inuictum robur quo uindice leges
 Hactenus oppressas potis est reparare, suumq;
 Reddere ius cuiq;, & uim ui propellere si qua
 Nescia mens recti se dura opponere tenter.
 Sed quid opus multis, hic faulsto sydere totus
 Ad uigilem curam populorum, orbemq; iuuandum
 Est natus Princeps, qui publica commoda longe
 Præponit uite propriæ, se uiuere cunctis

Non sibi constanter putat, illi hinc nulla laborum
 Meta est, nec requies curarum admittitur ulla,
 Semper in officio est. Sed quid perstringere conor
 Quæ sunt magniloquo grauius dicenda Maroni,
 Vix equidem agrestis modicum caprile Menalca
 Ludere sufficio, grauidas aut lacte capellas.

Plaudite Pannonij proceres maestissima nuper
 Pectora, depulsis iucundus nubibus æther
 Prominet. Ecce nouo ueteres cum Principe fratres,
 Quos, hæc ne penitus caderet pia patria tellus,
 A Solomethis miseratus Iupiter armis
 Eripuit nuper, redeunt, Regemq; superbis
 Sedibus inducunt. En adest Bathorea propago
 Ante alios Stephanus Regni Palatinus, auito
 Sanguine præclarus, uirtuteq; nobilis Heros.
 Iuxta illum Thurzo, uir dignus laude per henni,
 Quem uirtus, quem religio, probitasq; fidesq;
 Omnibus illustrem faciunt, quo sospite nunq;
 Crediderim Huniacos succumbere posse penates.
 Hunc penes Antistes qui Vuesprimensia templa
 Maximus integro moderatur pectore Thomas,
 Consilio uir & eloquio, grauitateq; mira
 Eximius, qui Castalij nutritus in aruis
 Inter Pierios uates quibus augur Apollo
 Præsidet, hoc sacris tantum decus attulit aris
 Sed quid ago demens, præsens angustia claros
 Qui redeunt numerare duces non sustinet omnes.
 Plaudite Pannonij proceres maestissima nuper


Pectora, depulsis iucundus nubibus æther
 Prominet, ille leo nuper digressus ab aruis
 Hercinijs, Bemo radians diademate clarus,
 Horrendum feritate lupum uictoricibus armis
 Fortiter Hungaricis ab ouilibus expulit. Ite
 Ducite iamq; boues in pascua læta coloni,
 Nullus erit posthac prædo, metuendus iniquus,
 Insidias pecori tendet duce nemo leone,
 Pascentur passim tutos armenta per agros,
 Nemo lupos metuat uigili uigilante leone,
 Plectere quo fastum nemo solet acrius, atq;
 Parcere subiectis nemo clæmencior unq;.

Plaudite Pannonij proceres maestissima nuper
 Pectora, depulsis iucundus nubibus æther
 Prominet, hæc dudum uarijs agitata procellis
 Patria, iam tandem superato turbine amicum
 Continget portum, placidaq; in pace sedebit
 Hoc sub Rege suo felix per tempora cuncta
 Ergo omnis populus, proceres, iuuenesq; senesq;
 Tendite in occursum uenienti Principi ouantes,
 Excipite hunc hylares atq; exultate recepto,
 Undiq; pleetra sonet, cytharæ undiq; & undiq; nerus,
 Ingeminetur io, leto clamore salutet
 Quisq; hylaris Regem, uerum patriæq; parentem
 Nominet, atq; suum dominum reuerenter adoret.

Plaudite Pannonij proceres maestissima nuper
 Pectora, depulsis iucundus nubibus æther
 Prominet æternis maneant ea gaudia sacris.

Auspice Christo.

M.D.,XXVIII



MEZŐKOMÓSSÁG
KÖNYV-TÁRA

